



## MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CLUBE DEPORTIVO ESCUDERÍA PEÑA AUTOCROSS ARTEIXO PARA A INSTALACIÓN DE MÓDULOS SANITARIOS

### I. Departamento que tramita o convenio

A Consellería de Presidencia, Xustiza e Deportes é o departamento encargado de xestionar as competencias atribuídas á Comunidade Autónoma de Galicia, en materia de deportes, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

### II. Antecedentes

Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva en materia de promoción do deporte (artigo 27.22), correspondéndolle á Consellería de Presidencia, Xustiza e Deportes, as competencias de elaboración, proposta e execución da política do goberno galego en materia de deportes, conforme ao establecido no Decreto 136/2024, do 20 de maio, polo que se fixa a estrutura orgánica da Consellería de Presidencia, Xustiza e Deportes.

O clube deportivo Escudería Peña Autocross Arteixo é unha organización sen ánimo de lucro, inscrito no Rexistro de Entidades Deportivas de Galicia, con domicilio na Avda. Manuel Platas Varela (Arteixo) e adicada á promoción do deporte, en particular o automobilismo.

O Autocross de Arteixo é unha instalación de referencia no mundo do motor, cunha traxectoria de máis de tres décadas, que conseguiu consolidarse como un dos circuítos máis relevantes nas competicións destacadas do calendario do automobilismo de terra en Galicia e no norte de España.

Na actualidade, o Autocross de Arteixo mantén unha posición de prestixio dentro do panorama deportivo autonómico e estatal, adaptándose ás novas esixencias do sector, tanto a nivel técnico como en termos de experiencia para o espectador. A edición máis recente do evento reuniu a máis de 100 pilotos, abarcando desde categorías amateur ata profesionais consolidados, e atraeu a unha afluencia estimada en máis de 10.000 persoas durante os días de competición.



O Autocross de Arteixo representa unha oportunidade estratéxica de alto valor engadido para o desenvolvemento económico, cultural e territorial tanto a nivel local como rexional, que se manifesta en múltiples dimensións:

-Impacto económico directo e indirecto: Durante os días de celebración, o evento xera un notable incremento na actividade. Esta activación económica beneficia tanto a empresas locais como a provedores rexionais, promovendo a economía circular económica do municipio e da súa contorna.

-Proxección mediática e turística: Este tipo de eventos contribúe a diversificar a oferta turística, atraendo a un público distinto do turismo convencional, interesado en experiencias activas, familiares e sostibles.

-Aporte cultural, social e formativo: o Autocross promove valores fundamentais como o esforzo, a superación persoal, a convivencia interxeracional e o respecto polo contorno.

-Potencial para a atracción de investimento: Grazas á súa capacidade organizativa, infraestrutura xa existente e reputación consolidada, o Autocross atópase nunha posición ideal para converterse nun polo de atracción de investimentos, tanto públicos como privados. Estes investimentos poden destinarse á mellora e expansión das instalacións deportivas, ao deseño de programas de tecnificación e ao desenvolvemento de estratexias de promoción turística e comercial do territorio.

Co obxectivo de consolidar o Autocross de Arteixo como referente nacional e internacional no ámbito do automobilismo de terra, con instalacións de infraestruturas sostibles que buscan non só mellorar as condicións actuais, senón tamén garantir a sustentabilidade e do evento, a entidade deportiva prevé a instalación de módulos de baños de servizo para público e pilotos.

### III. Finalidade

Para os efectos sinalados, tense previsto formalizar coa Asociación Peña Autocross Arteixo o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2025.

### IV. Obxecto do convenio

O convenio ten por obxecto fixar as liñas de colaboración entre a Consellería de Presidencia, Xustiza e Deportes e a Escudería Peña Autocross Arteixo para a adquisición módulos de baños de servizo para público e pilotos co fin de que esta poida integrar



melloras ambientais que reforcen a responsabilidade ecolóxica dos eventos e melloren a infraestrutura deportiva.

## V. Fundamentos do convenio

O instrumento convencional que se pretende asinar fundaméntase no seguinte: A Escudería Peña Autocross Arteixo manifestou a necesidade de asistencia por parte da Consellería de Presidencia, Xustiza e Deportes para a adquisición de módulos sanitarios para público e pilotos, mediante a concesión dunha subvención polo 100% do importe do orzamento recollido no Anexo I do convenio, que ascende á cantidade de **(47.553,00 €)** euros.

A solicitude fundaméntase na necesidade de que a entidade deportiva poida integrar melloras ambientais que reforcen a responsabilidade ecolóxica dos eventos e melloren a infraestrutura deportiva. En liña cos obxectivos da Axenda 2030 e co obxectivo de consolidar o Autocross de Arteixo como referente nacional e internacional no ámbito do automobilismo de terra, con instalacións de infraestruturas sostibles que buscan non só mellorar as condicións actuais, senón tamén garantir a sustentabilidade e seguridade do evento.

A falta de recursos da entidade deportiva para poder acometer as devanditas actuacións, configura un contexto do cal se derivan, entre outras consecuencias, a imposibilidade de afrontar os compromisos económicos que a execución da actuación obxecto de subvención representa para o club deportivo Escudería Peña Autocros Arteixo .

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para reforzar a responsabilidade ecolóxica dos eventos e mellorar a infraestrutura deportiva.

A conxuntura descrita, a necesidade de asistencia manifestada pola entidade deportiva e o obxectivo da actuación, así como a existencia de crédito adecuado e suficiente para a súa aplicación eficaz no restablecemento do estado de conservación das instalacións deportivas sobre as que se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do club deportivo Escudería Peña Autocross Arteixo.

Incorpórase ao expediente declaración xustificando a imposibilidade de promover a concorrencia pública, de acordo co establecido no citado artigo 26.2º.

## VI. Aplicación orzamentaria e importe





Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaría Xeral Técnica, achegará a cantidade de corenta e sete mil cincocentos cincuenta e tres euros **(47.553,00€)** con cargo á aplicación orzamentaria **05.01.121A.781.0 (código de proxecto 2015 00121 Convenios con entidades sen ánimo de lucro)** Esta cantidade representa o 100% do orzamento total do proxecto que constitúe o obxecto deste convenio.

Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, na data da súa sinatura dixital

O secretario xeral técnico

Por suplencia (Decreto 136/2024, do 20 de maio)

A vicesecretaria xeral

Vanessa Cal Ríos

